

4-МОДУЛЬ. ТҮЛҒАЛЫҚ ДАМУДАҒЫ СТРЕСС-МЕНЕДЖМЕНТТІҢ ПСИХОЛОГИЯЛЫҚ ЕРЕШЕЛІКТЕРІ

4- ДӘРІС. СТРЕСС-МЕНЕДЖМЕНТ ЖӘНЕ ӨЗІН РЕТТЕУ ПСИХОЛОГИЯСЫНЫң НЕГІЗГІ МӘСЕЛЕЛЕРИ

Професор Бердібаева С.Қ.

Стресс деген сөз күнделікті өмірімізде үйреншікті болып кеткенімен ғылыми әлемде оған қатысты мәселелер өте көп. Бұл күндері стресс қоғамдық өмірдің бір ажырамас бөлігіне айналды, қандай оқиға өтсе де осы стреспен байланыстырады. Ғылыми әлемде стресс туралы 600-ге жуық анықтамалар мен көптеген теориялар бар.

Қазір көп айтылып жүрген психологиядағы жаңа бағыт когнитивті процестер, психоиммунология сияқты зерттеулерде стрестік жағдайға ойлау іс-әрекеті қарсыласа алады деген түсінік қалыптасқан.

Міне өмірімізде көп қолданыс табатын стресс ұғымының қысқаша тарихы осылай басталады. Осы айтылғандарды қорыта келе стресс дегеніміз адамға қауіп тудыратын және мінез-құлықтық және физиологиялық реакциялар шақыратын эмоциялық бір күйді бастан кешіру.

Стрестің симптомдары:

- физиологиялық;
- эмоциялық;
- мінез-құлықтық;
- интеллектік симптомдар.

Сізде неғұрлым симптомдар көбейсе онда сіз стресті қадағалай алмайтын нүктеге, нәтижеге соғұрлым жақындаісыз.

Әрбір адам өзінің табигатына, өзінің ішкі тұрақтылығына жету үшін өзін тепе-тендікте ұстаяға ұмтылады. Егерде ішкі тепе-тендікке қауіп төніп тұрса, онда мазасыздану, беймазалық, толқу сияқты қүйлерді бастан кешіріп, стресске шалдығамыз, мысалы белгілі бір жағдай біздің қадағлауымызға көнбейді, өзінді қадағалай алмайсың, ары қарай дами алмайтыныңды сезіну, ешкімнен көмек жок тек өзіңе ғана сенетін жағдайды сезіну. Егер осындағы қүйлер мен сезінүлер өзгермей жалғаса берсе, ұзақ уакыт олар әлсіремесе, онда ұзақ уакытқа созылған стресс туралы айтамыз.

Американдық психофизиолог Уолтер Кеннон (Cannon, 1928) стресс терминін бұзылуға әкелетін сыртқы факторлармен «күресу керек немесе қашып құтылу керек» деген реакцияларға қатысты қолданды және оны өзі гомеостаз деп атады.

Осы стресс ұғымын тіпті ғылымға қатысы жок барлық адамзатқа таныс болып кеткені бәрімізге аян, стресс термині австрия-венгрияның тумасы, канадалық эндокринолог Ганс Сельенің (Hans Selye, 1953) есімімен өте тығыз байланысты. Ол организмнің стрессорларға ерекше реакциясына

арналған көптеген зерттеулер жүргізген, яғни ол биологиялық стресстің болатыны туралы идеяны айтты.

Басында Селье стресс терминін емес оның орнына бейімделгіш синдром деген терминді көп қолданды, себебі өзіне дейін белгілі болған жоғарыда айтылған Кэннон қолданған стресс терминінен көп уақыт қашқақтап жүреді. Г. Селье стресс тудыратын реакцияны үш фазаға бөледі:

- 1.Мазасыздану реакциясы;
- 2.Қарсыласу фазасы (резистенттілік);
- 3.Әлсіреу фазасы.

Осыларды қорыта отырып қысқаша келесі жағдайды айтуға болады, стресс тітіркендіргіштер ретінде түсініледі (Т.Холмс, Р. Рэя-стресс шкаласы-ситуативті стресс дегенді зерттеді).

Еңбек психологиясы мен ұйымдастыру психологиясындағы стресс теориялары-берілетін талаптарға қатысты-сыртқы стрессорлар (стрессорлар дегеніміз стресс шақыратын себептерді айтамыз) стрессті тудырушы деп қаралады; стресс реакция ретінде, яғни ерекше физиологиялық, психологиялық жәнеміnez-құлықтық реакциялар арқылы стресті түсіндіреді (Г. Селье теориясы).

Кэннон «ұру немесе қашу» реакциясы деп атаған стресстік жағдайлардан қашу немесе қаресу бағытындағы мінез-құлықтағы реакция туралы айтады; биохимиялық теориялар, қазіргі жаңа заманауи нейроэндокринологиялық теория; стресстің трансактілік (трансакция-өзара әрекет дегенді білдіреді) теориялары стресті адам мен қоршаған ортаның өзара әсерінен туындауды деп қарастырады, когнитивті теория стресті қабылдаудың үш түрін көрсетеді:

-бірінші бағалау – қауіп қатерді алғашқы бағалау;
-екінші бағалау – тәуекелділікті бағалау және альтернативті таңдау (копинг);
-үшінші бағалау – болған жағдайды қайта бағалау, тұлғаны когнитивті және эмоциялық бағалау арқылы қарастырады, адам өзін өте жағымды сезінген кездегі сезімдерге негізделген адам мен қоршаған ортаның өзара қатынасын когнитивті бағалау арқылы стресс түсініледі (Р. Шварцер, 2000);

Р. Лазарус және С. Фольманнның (1987) стресстің трансактілік моделі-мұнда болған оқиға теңесуді бұзады, бейімделуге қажеттілікті басынан кешкенде адамда үш түрлі жағдай болады:

- жоғалту, зияндылық бұл қайғыны береді;
- қауіп қатер – ол қорқыныш береді,
- шақыру – жағымды белсендеруді береді.

С. Хобфолдың ресурстарды сақтау теориясы, ресурстарды жоғалту стресстің негізгі себебі, соның ішінде адамның өзін бағалауы ең негізгі ресурстарының бірі(1996);

К. Решке және Г. Шредердің әрекет теориясы (2010) – стресс адамның өзімен және стресс туғызған жағдайдың сипаттамасымен байланысты, адам жағдайды қалай қадағалай алады сонымен стресс тікелей байланысты болады, адамда өзін тенгерімде ұстай алу сезімі үстем болады.

Қазір өте көп оқылатын Б. МакЭвеннің психобиологиялық стресс моделі (McEwen. 2003) өте маңызды, бұл стресс-реакциялар керемет парадоксты береді, белгілі бір жағдайларда стресс адамды қорғайды, денсаулығымыз үшін маңызды, алайда басқа жағдайларға қатысты бізді ауыртып, ол бізге зиянды болуы мүмкін.

Сіз өзініздің стресс деңгейінізді білгіңіз келсе келесі экспресс тесті орындаыйык (1-Кесте): 7 түрлі стресс сферасы беріледі, өзінізді берілген 4 балл бойынша бағалаңыз: бағалау критерийлері:

- 1балл – маған мұлдем тән емес;
- 2 балл – менде сирек болады;
- 3 балл – менде жиі кездеседі;
- 4 балл – маған өте дәл келеді.

1-Кесте. Стресс деңгейін анықтау

Пікірлер	1	2	3	4
1.Мен өзімді бір бұрышқа, тығырыққа тығылғандай сезінемін (ұсталып қалған, уландырылған)				
2.Кейде мен өзімнен сұраймын: не үшін керек осы тырысу, мashaқаттар				
3.Өзіме наразымын, ашу ыза және ашуулану, тітіркену-менің өмірімнің күндегі көрінісі				
4.Тұруға әлі ерте болсада мен түнде жиі оянамын				
5.Демалыс күні немесе демалған сағаттар өтсе де мен өзімді шаршаған күйде және көңіл күйім жок болып сезінемін				
6.Менің өмірімде бір тақырыптар бар, қалай мен ол туралы ойлаймын мен бірден толқи бастаймын				
7.Егер мен өз мәселеңді біреумен бөлісейін десем, әдетте мені ыждағатпен тыңдайды деген бір адамды да таба алмайды екенмін				

Стресс сфералары	1	2	3	4
1.Өзінізді қадағалаудың жоғалуы				
2.Мағынаны жоғалту				
3.Ашу ыза; наразылық (фрустрация)				
4.Ұйқының бұзылуы				

5. Дұрыс демалыстың болмауы				
6.Өте негативті эмоция шақырған тақырып				
7.Эмоциялық қолдаудың болмауы				

Енді осы бағаланған пікірлерді жоғарыдағы арнайы кестемен есептеңіз Нәтижелері:

Егер сіз 18 балдан жоғары алсаңыз, онда сіз үшін стресс шыныменен де мәселелі. Сондыктan бірден соған қарсы тұруды бастау керек, сіз неғұрлым стресстік жағдайда ұзақ болсаңыз, соғұрлым оны жеңу сіз үшін өте қиын болады. Сырттан келетін қысымды азайтыңыз!

Егер 10 балдан аз болса, онда сіз стресстік жағдайда емессіз, стресс туғызатын керек емес қалаусыз реакцияларға назар аударыңыз, осы жағдайлар сізді стресті жеңетін стратегияларды табысты іздестіруге мүмкіндік береді;

Егер жеке стресс сфералары бойынша 4 балл алсаңыз немесе 3 балл болса онда осы сферадағы жеке мақсатыңызы таратуға жұмыс жасаңыз.

Енді сізге қалай психологиялық көмек бере аламыз:

- Стресс сигналдарын бақылаңыз, назардан қалып қоймасын;
- Сіз өзінізді тыңдай біліңіз;
- Мінез-құлқыңызы өзгертуді бастаңыз.

Сіздерге психикалық жүктемелер каншалықты негативті салдар беретінін көрсетейік (2-Кесте):

2-Кесте. Психикалық жүктемелердің негативті салдары

Психикалық жүктемелердің формалары	Жену тәсілдері және демалыс формалары
Катты шаршау:«мен өзімді өте шаршаған, жалыққан адам ретінде сезінемін»	Энергияны толтыру: енжар демалыс жасау, демалыстағы үзілістер, қызықты телебағдарламалар көру, кітап оқу, үйқы, серуендеу, саунаға бару.
Монотония:«маған қызық емес, ішім пысады»	Өте қызықты, қатты әсер беретін бір әрекеттер жасау:өте қызықты кітап оқу, стратегиялық ойындармен ойнау, интернет қарау, жұмбактар шешу, спортпен айналысу, бақшада жұмыс жасау, «элитаға, жарқын дүниеге» шығу
Фрустрация: «мені ренжітті, мені әдейі тәмендettі, өз әрекеттерімді	Уақытты жағымды өткізу, өзінді құрметке бөлеу: түскі ас ішуге бару,

жүзеге асыруға шектеулік көрудемін»	заттар сатып алу, «өзіңе бір нәрсе алуға мұршат беру», жақын адамдармен қарым-қатынасқа тұсу, сауна, маникюр
Зерігу: «ешнәрсе жасағым келмейді, бәрі бірдей болып кетті, іш пыстырады»	Іс-әрекетті алмастыру: жұмыста, оқуда үзіліс жасау, адамдармен қарым-қатынасты азайту, демалуға кету, жалғыз өзің саяхаттау, аса қызықты іс тауып алу
Стресс: «мен өзімді зорланып кеткен күйде сезінемін, езілгенмін, қысым көрдім, демалмай жұмыс жасап жатырмын»	Мәселені шешуге жұмыс жасау: сыртқы әсерлерді азайту, жаксы адамдармен әңгімелесу, релаксация жаттығуларын жасау, физикалық, әлеуметтік, психологиялық ресурстарды пайдалану, әрекет ету жоспарын құру.

Сізге бір психологиялық тапсырма берейін, дәптерге өз стрессіңізді жазыңыз, содан кейін сол стресті женуге не көмектеседі соны жазыңыз.

Енді эмоциялық күйіңізді қалай бақылап отыруға болады соған токталамыз. Казір стресс бәрімізде бар, өте көп, эмоцияларымыз жиналып шаршап қаламыз, өзімізді сезіну әлсірейді, сондықтан өзіңізге психологиялық көмектесу қажет болады.

Негативті сезімдерді жену үшін сізге агрессия, қорқыныш, ашу ыза келтірген бір оқиғаны жазыңыз соған байланысты жауап беріңіз.

- 1.Мәселелі жағдай, орны, уақыты;
- 2.Менің ойларым мен сезінулерім;
- 3.Менің сезімдерім мен денедегі түйсінулер;
- 4.Мінез-құлықта туындаған эмоцияларымды мен қалай басқара алдым немесе мінез-құлықта эмоцияны қалай білдірдім;
5. Сол жағдайды жену үшін беретін менің нұсқауларым, сол нұсқаулардың позитивті және негативті салдарлары;
- 6.Альтернативті мінез-құлық.

Ең басты психологиялық қафіда:кемелденген бірдейлік – ішкі тұрақтылықтың кепілі!

Осылан байланысты келесі өте қызықты ғылыми зерттеуді айта кетсек артық болмайды. С. Шейзер және И.К. Бергмәселені шешуге бағытталған қысқамерзімді психотерапияны, технологияны ұсынды. Олар психотерапевтке келген клиентке өз мәселесін өзі шешуге ұсыныс береді, соған клиентті бағдарлайды.

Стресс түрлерінің ішіндегі ең маңызды түрі биологиялық стресске тоқталайтық. Биологиялық, физикалық немесе химиялық әсерден организмде

пайда болған реакциялар, сол стрессорлар өмірге, денсаулыққа, физикалық аман-есендікке бағытталады.

Стресті азайтуға арналған бағдарламаның мақсаты: жеке дара стреске қатысты туындастын төзімділікті талдау; стресті жену бойыншаситуативті және орнықты біліктіліктерді қалыптастыру; негативті эмоцияларды реттеудегі эмоциялық біліктілікті жақсарту және позитивті эмоциялық ресурстарды белсендеріру; ресурстарды өзектендіру және жүйелік талдау; өзіндік бағалау мен бірдейліктің рефлексиясы және оларды жақсарту; стрессті женудегі жеке бастық мақсаттарды талдау, жаңа мақсаттарды анықтау, сол мақсатқа жетуді қадағалау.

Қазіргі жаңа ерекше бағыт Германияда пайда болды, стресті оптимизммен басқар деген бағытта ғылыми зерттеулер көптеп жүргізілуде (К. Решке, А. Гарбер, Лейпциг, 2015), бұл бағдарламада келесі жағдайлар нақтыланады:

- стресті талдау;
- эмоциялық өзіндік реттелу;
- жалпы жағымдылық күйі;
- бәсекесу техникасы;
- мінез-құлықтың ескі формаларына оралудың профилактикасы;
- ойдағы стрестің көздері;
- әлеуметтік ортаның ресурстары;
- болашақ туралы түсінік;
- бірдейлік.

Біздің басымыздан өтетін зорлану күйлері жұмыс қабілетімізді төмендетеді, олар біздің интеллектік, физикалық, эмоциялық күйлерімізге әсер етеді. Стресс-менеджменттің негізгі үш әдістерінкөрсетуге болады:

- стресс тудыратын факторлардан кету- әрине өте қарапайым тәсіл, алайда каншалыкты одан кеткің келседе мүмкін емес жағдайлар болады және стрессорларды толық алып тастау мүмкін емес;

-стресс факторларды өзгерту- мәселеге әсер ете алатындағы күйде болу, ресурстарды өзгертуге дайын болу;

-стресс факторларға деген қатынасты өзгерту: әрине оған өте көп психологиялық нығайту қажет болады.

Стресс қоршаған ортамен өзара әрекеттесуден және адамның жеке дара мінез қырларына байланысты туындаиды. Адамның өзіне тән жеке ерекшеліктері болады: адамның өзі сол стресстің көзі; басынан бастап стресске «икемді» көңіл бөлуге қабілеттілік керек. Осы «икемді бірдейлік» жеке бастық бірдейлікпен байланысты болады.

Жеке бастық бірдейлік адамның жеке даралығымен, белсенделігімен, өмірлік тәжірибелерімен, қызығуларымен, қалыптасқан біліктіліктерімен байланысты болады. Сондықтан сіз өте зейінді, жаңа тәжірибеле ашық, өзгеріске дайын болуыңыз ең басты нәрсе.

Сонымен қатар әлеуметтік қорғалғандық – эмоциялық қолдау алу – өмірдегі басты тірегің болып саналады. Адамдармен қатынастар өте маңызды: достар, көршілер, әріптестер, отбасы.

Осы айтылған талдауларға байланысты ұсынылатын трениг-семинардың бағдарламасы сізге көп ой салады: стресті басқару барысында адамдар өздерінің ішкі бағдарлануларының ауырлығын немесе олардың стрессті басқарудағы тиімсіз екенін ұғына алады.

Соған арнайы психологиялық жаттығулар ұсынылады: мысалы: «әмоциялық күй мен көңіл-күйді рефлексиялау: «қазір және осында», «соңғы аптадағы мениң стрессім» сияқты тақырыптарды жазып шығыныз. Егер сіздің стрестік күйіңіз асқынып тұрса, оның шешімі: сіз дәл уакытында ойыңыздағы және ішкі бағдардағы стресті ұлғайтатын келесі жағдайларды жасау керек:

- тани білу,
- тоқтату,
- менгеру,
- кету.

Өмірде көптеген сұрақтарды шешуде стресстер әртүрлі сипат алады: мысалы ресурстар мүлдем бітіп қалса, мәселен адам ақшасын немесе өз мәртебесін жоғалтса маңызданған стресті бастан кешіреді, керісінше акша жоғалтам-ау, мәртебемнен айыраламын-ау деп ойласа күтілетін стреске тап болады.

Сондыктан адамдар қауіпсіздік және өзін жұбату сезімдерімен, өзінің және ұжымының тиімділігі оған қаншалықты қатысты болады деген сезімдерімен, әлеуметтік байланыстарды білдіретін сезімдерімен, үмітті жоғалтпау сезімдерімен жұмыс жасауы керек.

Стресті басқару деген не деген сұраққа келетін болсақ онда стресс-менеджменттің техникаларын айтуда болады:

- инструменттік стресс-менеджмент (жұмысты басқамен бөлісу, «жоқ» деп айтып үйрену);
- когнитивті стресс-менеджмент (кеудені көтеруден құтылу, жұмыстан іштей арақашықтық сақтау);
- симптомды-регенеративті стресс-менеджмент (релаксация техникалары, спорт, әңгімелесу).

Әлеуметтік қатынастар стрессті азайтады, олар қолдау береді және тірек болады, осыны сіз міндетті түрде есте сақтаңыз. Мысалы әртүрлі әлеуметтік қолдаулар бар:

- бірге әсерлене алу мен ынтамақтастық мағынасындағы эмоциялық қолдау;
- өзіндік бағалау мен өзін сыйлауды қалыптастыратын эмоциялық қолдау (мысалы «мен сені жақсы адам деп түсінемін»);
- когнитивті қолдаулар: сол мәселені шешуге қатысты кеңес беру, идеялар беру.

Стрестік жағдайды талдауға арналған, берілгендерге жауап жазып көрініз және ойланыңыз:

- 1.Мәселелі жағдай, орны, уакыты;
- 2.Сол жағдайға қатысқандар;
- 3.Басқа қатысушылардың мінез-құлқы;

- 4.Менің сезімдерім;
- 5.Менің дене реакцияларым;
- 5.Мен үшін сол жағдайдың салдары;
- 6.Сол жағдайдағы менің әрекетім.

Сізге берілетін практикалық көмек:

- ең бастысы ұмытпаңыз: әлеуметтік қолдау стрессті және психологиялық зорлануды азайтады;
- әлеуметтік қолдау денсаулықта және эмоциялық тенгерімгежағымды әсер етеді.

«Егер жақсы дос тапқың келсе, алдыменен өзің жақсы дос бола біл» деген мақалды айтуға болады. Қорғаныс бар екенін сезіну әлеуметтік иммунитетті нығайтады. Сізге адамдар арасындағы қатынасты дұрыс, орынды бағалай білу керек, басқа адамдарға қызығушылық көрсете біліңіз, көмек сұрай білу, достар мен отбасы үшін уақыт табыңыз, егер сізде мәселе болса, өз жаңыңызben шынайы адаптацияның қарашасын жүргізуңыз.

Цицеронның көремет сөзі бар: «ойдың ауруы тән ауруына қарағанда құртатын ауру және өте жиі кезедседі».

Өзіндік реттелу ұғымы психология үшін аса маңызды сұрақтардың бірі. Өзіндік реттелу дегеніміз, ол биологиялық жүйелердің қасиеті, биологиялық немесе физиологиялық көрсеткіштердің тұрақты деңгейін қолдау және ұстап тұру.

Психологиялық өзіндік реттелудің тәсілдерін атап өтейік: барлық адамдар өз өмірінде бір қысқа ғана уақытта өзінің физиологиялық немесе психологиялық күйін өзгертуге мұқтаж болып жатады. Кейбіреулер мұны әртүрлі тәсілдердің көмегімен жасайды, мысалы, өміріндегі бір жағымды оқиғаларды еске алады немесе терен тыныс алып жаттығулар жасап жатады.

Басқалары болса өздерін тыныштандыратын ешқандай тәсілдер таба алмайды, соған қатысты олар ашуланады, жүйкелері жұқара бастайды. Міне осындай келеңсіз жағдайларда, көңіл күйді реттей алмағанда адам қоршағандармен жасайтын қарым-қатынасын бұзады, тіпті олар кәсіби міндеттерін сапалы орындауға кедергі болады.

Негативті күйде өте ұзақ болу (мазасыздану, белгісіз бір нәрсені құту, кінәлі сезімде болу, қанағаттанбаушылық сезімі, ызалану және тағы басқалар) бастан кешіп жатқан қайғырулардың өткірлігін азайта алмау, жағымсыз әсерлердің көбеюі адамның организміне, физикалық және психикалық күйіне әсер етіп, оларды бұзатын, қауіп төндіретін жағдайға алып келеді.

Ең басты нәрсені есте сақтаңыз, күйлерді адекватты реттеу кері байланысқа алып келеді, реттеу процесі кезіндегі адамның физиологиялық және психологиялық параметрлерінің өзгерістерін хабарлайды.

Қазір өзіндік реттелудің көптеген әдістері жасалған, мысалы, өзіндік илану, релаксациялы жаттығулар, аутогенді жаттығулар, десенсибилизация, реактивті релаксация, медитация және тағы басқалар. Соңғы уақытта эмоциялық күйлерді басқарудың жаңа гелотология деген бағыты пайда болды (грек тілінде gelos-күлкі деген сөз). Күлкі физиологиялық

процестердің өтуіне өте жағымды әсер ететіндігі анықталды. Құлкі стресстік гармондардың (норэпинефрин, кортизол, допамин) концентрациясын азайта отырып, стрессті және оның салдарын азайтады екен.

Өзіндік реттелу екі аспектіден тұрады: құрылымдық-функциялық және мазмұндық-психологиялық.

Өзіндік реттелудің деңгейлері:

1. Ақпараттық-энергетикалық деңгей.
2. Жеке дара деңгей
3. Мотивациялық деңгей
4. Эмоциялық-ерік деңгейі

Өзіндік реттелу психика жұмыс жасау үшін физиологиялық жүйелерді энергетикалық ұтқырлықты қамтамасыз ететін қажетті дәреже. Өзіндік реттелу түрлері:

- «назар салмау» реакциясы,
- катарсис (өнер туындысының әсерінен эмоцияны бастан кешіру, теріс әсерленулер),
- ойлар, қүйлерден босану тәсілі,
- ритуалды әрекет, яғни адамды белгілі бір стереотипті реакцияға сендеріру, соған қосу.

Өзіндік реттелудің мотивациялық деңгейіне келетін болсақ, кез келген өзіндік реттелу мотивацияны реттеуден басталады. Мотивациялық өзіндік реттелудің негізгі факторлары:

- дара-жеке бастық факторлар;
- адамның өзіне толық разы болмауын қамтамасыз ететін факторлар;
- мағына құрушы факторлар.

Өзіндік реттелудің эмоциялық-ерік деңгейіне адамның ерік процестерінің қатысуымен жүзеге асадын қасиеттерін, ерекшеліктерін жатқызамыз.

Тіпті сонау көне замандардың өзінде адамның эмоциясы мен оның физикалық қүйінің арасында байланыс бар екенін байқаған. Мәселен, эмоцияны жібермей үстап отыру жүректің жұмысын, ашу-ызалар асқазанның жұмысын бұзады, ал қайғыру, іш пысу қартаюды жеделтеді.

Бұл күндері психикалық өзіндік реттелу мәселесіне қатысты екі түрлі пікір бар, біріншісі, адамның іс-әрекетінің құрылымында реттеуші компоненттерді іздеу арқылы мәселені шешкісі келеді, екіншісі, өзіндік реттелу қүйіне арналған әртүрлі техникаларды қолдануды ұсынады, тіпті олар іс-әрекет белсінділігін аяқ астынан төмендетуге дейін сол техникаларды колданады, мысалы оған психофармокологиялық дәрілерді, аутогипнозды жатқызуға болады.

Адамның қүйлерін реттеудің жалпы принциптері болады, себебі бірқатар қүйлер мінез-құлышты бұзады сондықтан сол қүйлерді реттеп отыру керек, ең бастысы қүйлерді реттеу екі жолмен жүзеге асады, біріншісі, олардың туындағанын ескерту, екіншісі сол пайда болып қойған қүйлерді жою. Осы екі жолдың қайсысы болмасын адамның психикасына сырттан әсер ету арқылы (мысалы, психолог музыканы, түстерді, табиги

ландшафттарды қолданады, психореттеуші жаттығулар арқылы пациентке әсер етеді) немесе адам өзіне әсер етіп (өзіндік сену, өзіндік сенім, өзіне бұйрық беру) көмектесе алады.

Ал екінші жолы өзіндік реттелу арқылы әсер ету. Күйлерімізді реттеуде берілген үш міндеттердің біреуі орындалуы керек:

1. адамдағы бар күйді сақтау;
2. оларды сол күйдің талаптарына орай жаңа күйге ауыстыру;
3. бастапқы күйіне әкелу.

Әрине реттелудің көптеген тәсілдерінің тиімді болуы бірқатар факторлармен байланысты болады: оларды қолданудың тұрақтылығы, маманың тәжірибесі, әсер етуді қолданатын адамның психологиялық ерекшеліктері, ең бастысы адамның өзі оның тиімді болатынына сенуі негізгі жағдай.

Сонымен қатар өте қатты ескеретін жағдай, реттеуші әсер етуші тәсілді қолданғанда, адам өзін қандай күйде сезінеді, оның жеке бір жұмыс жасаушы жүйелері қандай жағдайда болады, міне осыларды міндетті түрде ескеру керек, себебі барлық әсер етуші технологиялар кері әсер етуі мүмкін.

Өзіндік реттелу, яғни адамның өзінің эмоцияларын, сезімдерін, бастаң өткізген әсерленулерін басқара білуі психофизиологиялық, жүйкелікпсихикалық қасиеттерді тұтасымен өзгеріске әкеле алады. Психологиялық реттелуді қолдану келесі жағдайларды мүмкін етеді:

- жоғарғы жүктемелерге және жұмыстың монотондылығына психикалық бейімделуді жоғырылатады,
- жүйкенің тез орнына келуіне мотивтің жоғарғы деңгейлерін береді,
- мақсатка жетемін деп сәтсіздікке ұшыраған немесе жарақат алған адамдардың психикасына әсер еткен теріс салдарларын жояды,
- мазасыздану күйін алып тастанады,
- эмоциялық тонусты көтереді,
- ұтқырлыққа апарады,
- іс-әрекетті табысты жасауға ұмтылдырады.

Кейбір психикалық өзіндік реттелу әдістеріне токтала кетейік.

Фармакотерапия – фармакологиялық заттарды адамның эмоциялық күйіне әсер ету үшін қолданады. Бұл әдіс өте ертеден келе жатқан әдістердің бірі. Жұмысқа қабілеттілікті көтеретін, стимул беретін және құлазып кеткен көңіл күйді алып тастанаға негіз болатын құралдарды айтамыз.

Аутогенді жаттығулар: өзіндік иланудың арнайы формуласын қолданып организмде өтіп жатқан процестерге әсер ету. Мысалы белгілі бір мақсатқа жетуге арналған сөз тіркестерін жазыңыз деп өзіндік иландыруға апарады. Терең босаңсып осы сөз тіркестерін бірнеше рет қайталаңыз. Сіздің басыңыздағы жағымсыз ойлар кетеді, мен тыныштаным, өзіме сенімділік алдым деген сияқты жаттығулар жасалады.

Десенсибилизация арқылы адамдағы қорқыныштарды, мазасыздануларды азайтуға болады. Мысалы жоғарыда ұшудан қорқу немесе бұрынғы өткен жан жарақатын ұмыта алмай қайта еске ала беру, осы

жағдайларда терең босаңсу арқылы стресс туғызған нәрселерден алыстауға болады.

Адамдарға өте көп көмектесетін ол табиғи психикалық өзіндік реттелу әдістері, олар, мысалы орманда, парктерде серуендеу, мәдени шараларға қатысу, классикалық музикалар тыңдау, қызықты адамдармен жағымды коммуникацияға түсү, интенсивті жаттығулар жасау, күнделік жазу, кітаптар оқу және тағы басқалар.

Сонымен өзіндік реттелуді қорытсақ, бұл ұғым өзіне жетекшілік жасау деген ұғымға сай келеді, дегенменде бұл өзі нейтрал ұғым, теориялық пікір таластарды көп бере алмайды.

Аса маңызды деген әлемдік сипаттағы теориялардың біразына қысқаша шолу жасай отырып, психикалық өзіндік реттелу ұғымын түсінуге тырысайық.

1.Диспозициялық оптимизм теориясы (немесе кибернетикалық қадағалау теориясы), (Carver, Scheir, 2003, 2004)- Ч. Карвер және М. Шейер - американцық психологтар. Алғашқы зерттеулері (1985) оптимизмге, копингке, денсаулыққа арналды. Кибернетикалық қадағалау теориясында оптимизм когнитивті конструкт ретінде қаралады, оптимист адамдар күш салуға жұмыс жасайды, пессимистер күш салудан қашады.

Оптимистер әлеуметтік қатынастарды өте жақсы орындаиды, қазір оптимизмнің биологиялық негізі зерттелінуде. Оптимизм тиімді мақсаттарды орындауға негіз болады, физикалық және психологиялық денсаулық нағаяды.

2.Стрессогенді өмірлік оқиғаларды анализдеу теориясы (Holmes&Rahe, 1967) – ең басты идеясы маңызды және қыын қайғылар әкелетін өмірлік оқиғалар адамның өмірлік жағдайларын өзгертерді, оны жеңуге және оған бейімделуге адамды бағыттайты. Авторлар қыын деген өмірлік оқиғалардың стресстік жүктемесін өлшейтін эмпирикалық әдіс жасады, әлеуметтік бейімделуді бағалау шкаласы деп атайды.

3.Ұйымдастыру психологиясындағы талаптар қою бойынша стресс теориясы (Karasek&Theorell,1990) – теория екі өлшемнен тұрады:

1. Жұмыста қойылатын талаптарға байланысты ренжу, қайғыру және олардың интенсивтілігі;

2. Әрекеттердің диапазонына қайғыру, алаңдау – мысалы жұмыста олардың әрекеттерін қадағалау қатты қайғыру тудырады, соған байланысты адамда қатты стресстік жүктеме пайда болады.

3.Ганс Г. Сельенің жалпы бейімделу синдром теориясы (Selye, 1953). Ол 1907 жылы Венада туып, 1982 жылы Монреалда қайтыс болды. Канадада А. Тоффлермен бірге стресс институтын ашқан. Оның пікірінше стресс күйі – биологиялық жүйеде айрықша өзгерістер туғызатын ерекше синдром деп қаралды. Стресс реакциясы үш фазадан тұрады:

1)Мазасыздану реакциясы ішкітінгерімді бұзады (соғудан болған күйреу);

2)Қарсыласу фазасы (резистенттілік);

3) Әлсіреу, титықтау, жүдеу фазасы. Стрестің салдарынан адам аллергия, гипертония, бүйректің, жүректің ауруына ұшырайды.

4. Валтер Кэннонның (Cannon. 1928) «Ұру немесе қашу» теориясы-стресстік жағдайда адамның мінез-құлқы қашуға немесе күресуге бағытталады. Психофизиологиялық белсенділікті қүшету стрестік факторларға беретін организмнің физиологиялық реакциялары негізінде мінез-құлқында қашу немесе қарсыласа алатын ресурстарды қамтамасыз етеді.

5. Стрестің биохимиялық теориясы – нейропсихологияда, медицинада, биологиялық психологияда стрессті биологиялық-психологиялық аспектіде зерттеу көп сұраныс тудырудың Солардың бірі Б. МакЭвен (McEwen) және Ледоның (LeDoux) зерттеулерін айтуды болады.

6. Транзактілі стресс моделі (Lazarus&Launier) – адамға қойылған талаптар мен оларды орындаудың арасындағы өзара әрекет (транзакциялар) бойынша туындастырын стресті талдайды.

7. С. Хобфолдың «Ресурстарды сақтау теориясы» (Hobfoll, 1986, 1998)-оның пікірінше, егерде адам ресурстарды жоғалтса және сол ресурстарға қауіптер төнсе, онда стресс пайда болады, сәттілікке ешкандау мүмкіншілік қалмайды, алайда адам өз күшін, ресурстарын жүмсай береді.

8. Әрекет теориясы стресстің моделі ретінде қолданылады, авторлары К. Решке және Г. Шредер (2010) – стресті женүдің тірегі ретінде адамның мінез-құлқын реттеудің екі түріне екпін жасалады: қоршаған орта және адам.

9. Брюс Макьюененнің психобиологиялық стресс моделі – американдық нейробиолог (McEwen, 2003) – стресс-реакция бір жағдайда адамды қорғайды ол денсаулығымыз үшін маңызды, алайда ол зиян келтіруі де мүмкін, басқа бір жағдайда ауырып қаламыз деген парадоксты келтіреді. Өзінің теориясын алlostатикалық жүктеме моделі деп атады.

Стресс физиологиялық және психологиялық, мінез-құлқытың реакция шақыратын және адамға қауіп төндіретін оқиғаларды талдайды. Адам миы негізгі орган, мықты стрессорларға реакция береді. Ол алlostаз (allostasis) деген жаңа термин ендірді – патологиялық қозуды түсіндіреді, қан қысымы мен жүрек ритмі бойынша беретін реакцияларды анықтайды, алlostаз копингтің физиологиялық механизмдерін жаксы түсіндіреді.

Стресс-менеджменттің теориялық негізін қысқаша айтатын болсақ, келесі зерттеулерді атауға болады:

1. Стрестің қолданбалы психологиясы (Reschke & Schroder, 2010);
2. Стресті оптимизммен басқару –теориялық-практикалық бағдарлама (Garber, Karapetyan, Reschke, 2018);
3. Салютогенез моделі (А. Антоновски);
4. Стрестің транзактілі моделі (Лазарус);
5. Ресурстарды сақтау теориясы (Хобфолл);
6. Шешуге бағдарланған қысқамерзімді психотерапия (де Шейзер);
7. Оптимизм теориясы (Карвер, Шейер);
8. Позитивті психология (Селигман);

9.Резиленттілік (өмірге төзімділік) – (Oerter & Montada,2002; Hammelstein, 2006).

Стресс-менеджментке байланысты өткізілетін психологиялық бағдарламалардың принциптері бар, оларды да міндепті түрде білген артық етпейді:

- мінез-құлыққа бағдарланған психотерапия – негізгі принцип болып саналады;
- бағдарлану принципі нәтижеге және ресурстарды дамытуға арналады;
- салютогенді және қабылдаудың тұлғалық бағдарланушы принципі.

Қорыта айтсақ стресс-менеджмент шарттар мен реакциялардан тұрады: сыртқы стресстік факторлар; стрессті күшетушілер; стреске деген стрессорлар мен реакциялардың арасындағы байланыстыруышы звено; жүктеме организмнің физикалық және психикалық реакциялары.

Стрессті женуге берілген психологиялық ұсыныстарды қабыл алыңыздар:

- 1.Тұлғаның мінез-құлқындағы сенімді, өз билігіндегі мінез-құлықты ұстау үлгісі;
- 2.Күрделі өзара байланысқан контекстегі аналитикалық ойлау;
- 3.Өзінің жеке меншікті бастамасы;
- 4.Мақсат пен нәтижеге бағдарлану;
- 5.Қарым-қатынастағы сенімділік және конструктивті ынтымақтасу;
- 6.Командада жұмыс жасай алу және командалық рух;
- 7.Мәселені креативті шеше алу және шешім қабылдаудың креативтілігі;
- 8.Конфликтілерді конструктивті басқару;
- 9.Сенімді және дәл, анық қатынастарды жасай білу;
- 10.Эмоциялық интеллект.

4-Дәріс бойынша тексеру сұрақтары, сіз өз біліміңізді тексеріп, бекіте аласыз:

- 1.Стресс дегеніміз не?
- 2.Стресс-менеджментке аныктама беріңіз
- 3.Тұлғаның өзіндік реттелуін қалай түсінеміз
- 4.Психикалық өзіндік анықталуды түсіндіріңіз
- 5.Стрессті өлшейтін қандай психологиялық тәсілдерді білесіз?
- 6.Стресс-менеджмент және өзін реттеу психологиясының қандай негізгі мәселелері бар?

Әдебиеттер:

Негізгі:

1. Абабков В.А. Переадаптация к стрессу. Основы теории, диагностики, терапии.-СПб.: Речь, 2004
2. Беребин М.А., Пашков А.А. Нейробиологические, нейрокомпьютерные и нейровизуализационные аспекты исследования стресса и постстрессовых

- расстройств // Вестник Южно-Уральского государственного университета. Серия: Психология, 2017. Т. 10, №1. С.106-120
3. Водопьянова Н.Е., Шукина Е.В. Копинг-стратегии как фактор профессиональной адаптации // Психологические проблемы самореализации личности/ Под ред. Л.А. Коростылевой. Вып.8.-СПб.: СПбГУ, 2004
4. Гарбер А., Карапетян Л., Конрад Решке. Управляй стрессом с оптимизмом.-Cuvillier Verlag, Gottingen, 2018
5. Ерофеева В. Первая помощь при стрессе.-М., 2017
6. Каменюкин а.Г., Ковпак Д.В. Антистресс-тренинг.-М., 2008
7. Куш Е. Работа со страхами.-М., 2018

Қосымша әдебиеттер:

(Шет елдік әдебиеттер):

1. Antonovsky A. (1979). Health, Stress, and Coping. New Perspectives on Mental and Physical Well-Being.
2. Cannon, W. (1928,1932). Wisdom of the Body. United States: W.W. Norton & .
3. Hobfoll, S.E. (1986). Stress, social support and woman. Washington DC: Hemisphere
4. Lazarus, R.S. & Launier, R. (1978). Stress related transactions between person and environment. In I.A. Pervin& M. Lewis (Hrsg.), Perspectives in interactional psychology (S.287-327). New York, Plenum
5. McEwen, B.S. (2000). The neurobiology of stress: from serendipity to clinical relevance. Brain Research.886. 172-189
6. Reschke K., Kranich, U. & A. Lessing (2015). Optimistisch den Fahr 9er) stressmeistern. EinpsychologischesInterventionsprogramm fur die StressreduktionbelasteterKraftfaher. ShakerVerlag
7. Reschke K., Garber A., Berdibayeva S. Stress erkennen, verstehen und bewältigen.- Shaker Verlag Duren, 2019.-331 c. ISBN 978-3-8440-6951-8.- 331 p.
8. Selye, H. (1953). Einführung in die Lehre vom Adaptionssyndrom, Stuttgart: Thieme-Verlag. The Handbook of Salutogenesis. V.B. Mittelmark et al.(Eds). Springer,2017

Интернет-ресурстар:

- 1.<http://www.psychology.ru>
- 2.<http://www.flogiston.ru>
- 3.<http://www.colorado.edu/VC Research/integrity/human research/CITI.htm>
4. Cyber Bear (<http://cvberbear.umt.edu>)
5. hs.umt.edu › psychology